



---

**KERATAN AKHBAR  
DAN MEDIA ONLINE  
UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

**1 JULAI 2021 (KHAMIS)**



KEMENTERIAN PERDAGANGAN DALAM NEGERI  
DAN HAL EHWAL PENGGUNA

---

---

**KERATAN AKHBAR  
DAN MEDIA ONLINE  
(KPDNHEP)**

---

---

**1 JULAI 2021 (KHAMIS)**



## KPDNHEP jalin kerjasama dengan kementerian lain

**PUTRAJAYA** - Kementerian Perdagangan Dalam Negeri dan Hal Ehwal Pengguna (KPDNHEP) akan bekerjasama dengan kementerian berkaitan dalam melaksanakan harga kawalan berasaskan nilai ambang crude palm oil (CPO).

Menterinya, Datuk Seri Alexander Nanta Linggi berkata, ia bagi memastikan harga minyak masak lima kilogram tidak melebihi RM30 sebotol.

"Bagi menangani isu kenaikan harga minyak masak botol satu hingga lima kilogram, KPDNHEP ingin merakamkan terima kasih atas kesudian kerajaan menerima cadangan mekanisme pengurusan harga minyak masak tidak bersubsidi," katanya dalam kenyataan pada Rabu.

Menurutnya, KPDNHEP menyambut baik peruntukan tambahan sebanyak RM1 bilion dalam Pakej Perlindungan Rakyat dan Pemulihan Ekonomi (Pemulihan) bagi memastikan bekalan minyak masak bersubsidi dalam pek polibeg satu kilogram terjamin dan dapat dibeli pada harga subsidi RM2.50.

"Kementerian akan meneruskan dasar kawalan dan harga barang keperluan dan meningkatkan

### ISU HARGA MINYAK MASAK

penguatkuasaan sedia ada yang ternyata berkesan seperti yang terbukti sepanjang Perintah Kawalan Pergerakan (PKP) tanpa sebarang insiden terputusnya bekalan barang

keperluan," katanya.

Beliau berkata, kementerian menyokong sepenuhnya Program Pemerksaan Pendigitalan Usahawan Kecil atau Pupuk dengan peruntukan sebanyak RM200 juta bagi perusahaan mikro kecil dan sederhana (PMKS) dan RM100 juta untuk perusahaan kecil dan sederhana (PKS) bagi meningkatkan agenda digitalisasi negara.

"KPDNHEP sendiri telah lama menggerakkan program digitalisasi sama ada di peringkat kementerian mahupun dalam sektor perdagangan pengedaran melalui pelbagai aplikasi seperti ez-Aduan, Price Catcher, MySales Tracker, MyHarga, Spacedeal, Chatbot Sara, ReDI dan banyak lagi," katanya.

Alexander berkata, kementerian telah memulakan program imunisasi khusus untuk barisan hadapan ekonomi supaya negara boleh bergerak ke arah pembukaan lebih banyak sektor ekonomi apabila semua yang terlibat telah menjalani imunisasi sepenuhnya.





# Pemilik syarikat minyak masak, adik didakwa lagi

Kedua-dua beradik itu dituduh menerima wang haram berjumlah RM218,524.80

Oleh ROSLINDA HASHIM

ALOR SETAR

Seorang pemilik syarikat pembungkusan minyak masak subsidi bergelar Datuk dan adiknya didakwa di Mahkamah Sesyen Alor Setar di sini pada Rabu atas pertuduhan menerima wang haram berjumlah RM218,524.80.

Tertuduh, Datuk Mohd Farid Mohamad Ali, 42, dan adiknya, Mohd Fadhil, 38, didakwa mengikut Subseksyen 4(1) (b) Akta Pencegahan Pengubahan Wang Haram dan Pencegahan Pembiayaan Keganasan (AMLATFPUAA) 2001 dan dibaca bersama subseksyen 87(1)(a) akta sama dan seksyen 34 Kanun Keseksaan.

Kedua-dua beradik itu membuat pengakuan tidak bersalah selepas pertuduhan dibacakan di hadapan Hakim Sharifah Norazlita Syed Salim Iddid.

Pendakwaan dikendalikan Timbalan Pendakwa Raya Tan Siew Ping manakala



Kedua-dua tertuduh didakwa atas pertuduhan menerima wang RM218,524.80 hasil pengubahan wang haram.

tertuduh diwakili peguam Muhammad Nor Izzat Nordin dan Keshwinder Singh.

Mahkamah Sesyen Alor Setar telah membenarkan permohonan pihak pendakwaan untuk memindahkan kes ke Mahkamah Sesyen Kuala Lumpur untuk dibicarakan bersama kesalahan yang telah dituduh pada 25 Jun lalu.

Kedua-dua tertuduh kemudian diikat jamin RM10,000 setiap seorang dan sebutan semula kes ditetapkan pada 1 September depan.


Pada 25 Jun, kedua-dua tertuduh telah didakwa di Mahkamah Tinggi Kuala Lumpur atas 52 pertuduhan berhubung tuntutan palsu pembekalan minyak masak

kepada syarikat-syarikat peruncit lebih RM1.57 juta dua tahun lalu.

Mohd Farid dan Mohd Fadhil didakwa memberikan dokumen palsu iaitu Penyata Tuntutan Bayaran Bantuan Kewangan Kepada Kilang Penapis/Pembungkus Minyak Masak Sawit Tulen yang mengandungi butiran matan palsu kepada tiga kakitangan Kementerian Perdagangan Dalam Negeri dan Hal Ehwal Pengguna (KPDNHEP) iaitu maklumat penjualan minyak masak kepada syarikat-syarikat peruncit yang mana tertuduh tahu penjualan minyak masak itu sebenarnya mengandungi matan palsu, kesemuanya bernilai RM1.57 juta.

Senarai Harga Barang Keperluan	
Ayam	RM5.99
Daging lembu tempatan	RM35
Daging lembu import	RM29.99
Telur Gred A (30 biji)	RM9
Ikan kembung	RM8.90
Minyak masak	RM6.15
Gula pasir	RM2.20
Bawang besar holland	RM2.69
Bawang putih	RM4.89
Cili merah	RM4.99
Kubis tempatan	RM1.99
Tepung gandum	RM2.09

\*Harga (RM/kg) Sumber: KPDNHEP



**New fuel prices**  
July 1 - July 7

RON95	<b>RM2.05</b> (unchanged)
RON97	<b>RM2.69</b> (+2 sen)
DIESEL	<b>RM2.15</b> (unchanged)

The image shows a sign for new fuel prices. It features a red circular logo with a white fuel nozzle icon. The text is in black and red. The prices are listed for RON95, RON97, and DIESEL. The RON95 price is RM2.05, which is unchanged. The RON97 price is RM2.69, which is an increase of 2 sen. The DIESEL price is RM2.15, which is unchanged. The sign is set against a light-colored background.